




綱鑑正史約卷二十八

明崑山顧錫疇原編 桂林陳弘謀增訂

後梁紀

太祖皇帝

姓朱名溫賜名全忠
更名晃在位七年

丁卯唐天祐四年

四月以後梁太祖朱晃開平元年西
川稱唐天復七年○是歲唐亡梁晉

岐淮南西川凡五國吳越湖
南荆南福建嶺南凡五鎮

春三月唐遣使奉寶

冊如梁○四月梁王全忠更名晃稱皇帝奉唐帝為

濟陰王

張文蔚等升殿讀冊寶已降帥百官舞蹈稱賀梁

主與之宴舉酒勞之曰此皆諸公推戴之力也文

蔚等慚伏不能對復與宗戚飲博宮中其兄全昱

謂曰朱三本碭山一民也從黃巢爲盜天子用汝
爲四鎮節度使奈何一旦滅唐家三百年社稷他

日得毋滅吾族乎梁主不懌而罷

明年弒
濟陰王

梁以汴州爲東都開封府洛陽爲西都長安爲大安
府佑國軍

梁以馬殷爲楚王

據潭州盡有湖南地傳希聲希範
希廣希夢希崇五主至周太祖廣

順元年爲
南唐所滅

淮南西川移檄興復唐室

時惟河東鳳翔淮南稱天祐西川稱天復年號餘

皆稟梁正朔蜀王建與楊渥移檄諸道云欲與岐

王晉王會兵興復唐室卒無應者建乃謀稱帝遺

晉王書云請各帝一方俟朱溫旣平乃訪唐宗室
立之退居藩服晉王復書不許云誓於此生靡敢
失節

岐王李茂貞開府

茂貞兵羸地蹙不敢稱帝但開岐王府置百官宮
殿號令皆擬帝者

梁以錢鏐爲吳越王

據杭州傳元瓘弘佐弘侖弘俶
四主至宋太宗興國三年納土

入朝而
國除

鎮海節度判官羅隱說鏐舉兵討梁曰縱無成功
猶可退保杭越自爲東帝奈何交臂事賊爲終古
之羞乎鏐始以隱爲不遇於唐必有怨心及聞其

言雖不能用心甚義之

梁以清海節度使劉隱爲南海王

據廣州盡有嶺南地

梁以高季昌爲荆南節度使

唐進士梁震歸蜀過江陵高季昌愛其才識留之
欲奏爲判官震恥之欲去恐及禍乃曰震素不慕
榮宦明公不以爲愚必欲使叅謀議但以白衣侍
樽俎可也季昌許之震終身止稱前進士不受高
氏辟署季昌甚重之以爲謀主呼曰先輩

六月梁侵晉圍潞州

晉敗梁兵梁築夾寨守之

秋七月梁以劉守光爲盧龍節度使

劉守光之父仁恭爲盧龍節度

使守光囚之而自立

九月蜀王王建稱帝

戊辰

三年○蜀高祖王建武成元年是歲西川稱蜀

春正月晉王克用卒子

存勗立

晉王病篤命其弟克寧監軍張承業等立存勗曰此子志氣遠大必能成吾事爾曹善教導之

夏五月晉王攻梁夾寨破之潞州圍解

晉李嗣昭固守踰年城中資用將竭梁主數遣使論降之嗣昭焚詔書斬使者晉王與諸將謀曰上黨河東之藩蔽無上黨是無河東也且朱溫所憚者獨先王耳聞吾新立以爲童子未閑軍旅必有驕怠之心若簡精兵倍道趨之出其不意破之必

梁李思安
於路城下
更築重城
謂之夾寨
亞子存昂
小名

矣。取威定霸。在此一舉。不可失也。遂帥兵直抵夾寨。大敗梁兵。梁主聞之。驚嘆曰。生子當如李亞子。克用爲不亡矣。至如吾兒豚犬耳。

晉王歸晉陽

晉王歸。休兵行賞。命州縣舉賢才。黜貪殘。寬租賦。撫孤窮。伸冤濫。禁姦盜。境內大治。訓練士卒。令騎兵不見敵。無得乘馬。部分已定。無得相踰越。及留絕。以避險。分道並進。期會無得差晷刻。犯者必斬。故能兼山東。取河南。由士卒精整故也。

己巳三年春正月。梁遷都洛陽。○夏四月。梁以王審知

爲閩王。

據福州。盡有閩嶺五州地。子延翰。延鈞嗣。稱帝。傳和議。一主至晉。開運元年。指揮使朱文

進殺之而自立未幾為閩人所殺迎殷主王延政立之

秋七月梁以劉守光為燕王乾化元年稱帝三年為晉土存最所滅

庚午四年○是歲淮南稱吳春二月岐王承制加楊隆演嗣吳

王楊渥為張顥徐溫所弑立其弟隆演

辛未乾化元年○蜀永平元年春正月晉王伐梁軍於柏鄉大破

之柏鄉縣名屬真定府

時梁遣兵圍鎮定鎮定告援於晉晉主自將兵救

之兩軍合戰自已至午勝負未決晉王謂周德威

曰我為公先登公可繼之德威諫曰觀梁兵之勢

可以勞逸制之未易以力勝也彼去營三十餘里

雖挾糗糧亦不暇食日昃之後饑渴內迫矢刃外

交士卒勞倦必有退志當是時我以精騎乘之必
大捷至晡梁軍未食果引却德威疾呼曰梁兵走
矣晉兵大譟爭進梁兵驚怖大潰李存璋引步兵
乘之呼曰梁人亦吾人也父兄子弟餉軍者勿殺
於是戰士悉解甲投兵而棄之囂聲動天地凡斬
首二萬級

三月梁清海節度使劉隱卒弟巖知留後

冬十一月幽州叅軍馮道奔晉

壬申

二年夏六月梁郢王友珪弑其主晃而自立

末帝

名友貞太祖第三子
在位十三年

癸酉

三年○是歲燕亡

春二月梁均王友貞起兵討賊友珪

伏誅友貞立於大梁更名瑱

夏六月梁賜高季昌爵渤海王

避唐諱更名季興據江陵傳從誨保融保

勗繼冲至宋太祖乾德四年降之

冬十一月晉王入幽州執劉仁恭及守光以歸

明年

劉仁恭血以祭先

乙亥

貞明年

冬十月梁康王友敬作亂伏誅

梁主由是疎忌宗室專任趙巖及張德妃兄弟漢

鼎漢傑等叅預謀議依勢弄權賣官鬻獄政事日

紊以至於亡

丙子

二年蜀通正元年

春正月梁以李愚為左拾遺

梁主聞李愚學行召為左拾遺克崇政院直學士

衡王友諒貴重李振等見皆拜之愚獨長揖梁主

讓之曰。衡王朕兄也。朕猶拜之。卿長揖可乎。對曰。陛下以家人禮見衡王。拜之宜也。振等陛下家臣。臣於王無素。不敢妄有所屈。久之。竟以抗直罷。

二月。梁遣兵襲晉陽。晉將安金全擊却之。

王檀密疏請發關西兵襲晉陽。奄至城下。晝夜急攻城。幾陷者數四。代北故將安金全退居太原。往見張承業曰。晉陽根本之地。若失之。則大事去矣。請以庫甲見授。爲公擊之。承業卽與之。金全帥其子弟及退將之家。得數百人。夜出擊梁兵。梁兵大驚。引却。李嗣昭亦遣牙將石君立將五百騎救晉陽。朝發上黨。夕至晉陽。遂與金全等共擊梁兵。梁

兵死傷什二三。晉王性矜伐，以策非已出，故不行賞。

冬十二月，契丹稱帝，改元。

初，契丹有八部，部各有大人，推一人爲王，建旗鼓，以號令諸部。三年一代，以次爲之。及耶律阿保機爲王，尤雄勇，恃其疆，不肯受代。七部劫之，阿保機不得已，傳旗鼓，請帥種落居古漢城，別自爲一部。後以兵擊滅七部，併爲一國。至是自稱皇帝，以妻

述律氏爲皇后，置百官。

改元神冊

丁丑

三年○蜀天漢元年○是歲嶺南稱漢

春三月，契丹圍幽州。

夏四月，晉王遣李嗣源將兵救之。

晉新州裨將盧文進殺其防禦使李存矩亡奔契丹引之攻陷新州遂乘勝進圍幽州周德威遣使告急晉王與梁相持河上欲分兵則兵少欲勿救恐失之謀於諸將獨李嗣源李存審閻寶勸王救之王喜曰昔太宗得一李靖猶擒頡利今吾有猛將三人復何憂哉存審寶以爲虜無輜重勢不能久不若俟其還而擊之嗣源曰德威社稷之臣今朝夕不保何暇待虜之衰臣請身爲前鋒以赴之王曰公言是也命嗣源將兵先進寶以鎮定之兵繼之存審兵更進八月大敗契丹幽州圍解

賡後更名
沙又因白

秋八月劉巖稱越帝於廣州

巖隱弟諱改國號漢傳
玠晟張三主至宋開寶

龍見更名

翼又取飛

龍在天之

義自造翼

字更名翼

讀若儼

四年

冬十月晉王還晉陽

唐末詔所在誅宦官晉匿監軍張承業斬罪人應
詔復以爲監軍待之加厚承業亦爲之竭力王連
歲出征凡軍府政事一委承業承業勸課農桑畜
積金穀收市兵馬征租行法不寬貴戚繇是軍民
肅清饋餉不乏王或時須錢蒲博及給賜伶人而
承業靳之錢不可得王乃置酒庫中令子繼茂爲
承業舞指錢積欲賜之承業曰此錢大王所以養
戰士也承業不敢以公物爲私禮王不悅語侵之
承業怒曰僕老敕使耳非爲子孫計惜此庫錢所

以佐王成霸業也不然王自取用之何問僕為不
過財盡民散一無所成耳王怒索劔承業起挽王
衣泣曰僕受先王顧託之命誓為國家誅汴賊若
以惜庫物死於王手僕下見先王無愧矣曹太夫
人聞之遽令召王入宮使人謝承業曰小兒忤特
進已咎之矣明日與王俱至承業第謝

戊寅

四年○蜀
光天元年

夏六月蜀王建殂太子宗衍立

秋

七月吳以徐知誥為淮南行軍副使輔政

初揚行密
持得徐州
李氏子養
以為子長
子渥憎之
行密謂徐
溫曰此兒
質性與人

知誥悉反知訓所為事吳王盡恭接士大夫以謙
御眾以寬約身以儉蠲逋稅求賢才納規諫除奸
猾杜請託於是士民歸心宿將悅服初洪州進士

人必不能
容今勝汝
爲子溫名
之口知詰
長子知訓
驕淫爲朱
理所殺知
詰無定軍
府溫遂以
知詰代判
府事後爲
南唐

宋齊邱好縱橫之術知詰奇之至是以爲謀主常
引齊邱於水亭屏語或居高堂悉去屏障獨置大
爐以鐵箸畫灰爲字隨以匙滅之故所謀人莫知
洪州今江西南昌府

八月晉王大舉伐梁○冬十二月晉王與梁軍戰於

胡柳陂周德威敗死晉王收兵復戰大破梁軍

已卯五年○蜀乾德元年吳宣王楊隆演武義元年春三月晉以郭崇韜爲

中門副使

崇韜倜儻有智略臨事敢決寵待日隆專典機密

夏四月吳王隆演建國改元

秋七月晉王以馮道掌書記

監王已的
卷二
後梁末帝